

**FONDACIJA ZA PRUŽANJE POMOĆI U RJEŠAVANJU
STAMBENIH PITANJA PRIPADNIKA BORAČKIH POPULACIJA
Ul. Ismeta Mujezinovića 18, Sarajevo, tel. 033 55 89 00**

Na osnovu Programa rada i finansijskog plana Fondacije za 2026. godinu, Odluke Upravnog odbora o raspodjeli sredstava za 2026. godinu, od 14.01.2026. godine broj: 04-11-01/26, člana 7. Pravilnika o uslovima, načinu, kriterijima i postupku za dodjelu sredstava za pružanje pomoći u rješavanju stambenih pitanja pripadnika boračkih populacija od 05.03.2026. godine broj: 04-02-72/26 i u skladu sa Odlukom o raspisivanju Javnog poziva za 2026. godinu od 05.03.2026. godine broj: 04-11-73/26, Upravni odbor Fondacije za pružanje pomoći u rješavanju stambenih pitanja pripadnika boračkih populacija (u daljem tekstu: Fondacija)

o b j a v l j u j e:

JAVNI POZIV

**o uslovima, načinu, kriterijima i postupku za pružanje pomoći u rješavanju stambenih pitanja
pripadnika boračkih populacija za 2026. godinu.**

I

Predmet jedinstvenog Javnog poziva o uslovima, načinu, kriterijima i postupku za pružanje pomoći u rješavanju stambenih pitanja pripadnika boračkih populacija za 2026. godinu (u daljem tekstu: Javni poziv) je pružanje pomoći na povoljnoj kreditnoj osnovi u rješavanju stambenih pitanja pripadnika boračke populacije.

Na osnovu Programa rada i finansijskog plana Fondacije za 2026. godinu, Odluke Upravnog odbora o raspodjeli sredstava za 2026. godinu, od 14.01.2026. godine, broj: 04-11-01/26, člana 7. Pravilnika o uslovima, načinu, kriterijima i postupku za dodjelu sredstava za pružanje pomoći u rješavanju stambenih pitanja pripadnika boračkih populacija od 05.03.2026. godine broj: 04-02-72/26 i u skladu sa Odlukom o raspisivanju javnog oglasa za 2026. godinu od 05.02.2026. godine broj: 04-11-73/26, objavljuje Javni poziv za pružanje pomoći u rješavanju stambenih pitanja u iznosu od 2.850.000,00 KM za 2026. godinu, u skladu sa Pravilnikom i planiranim sredstvima Finansijskog plana za kreditna sredstva, interventna kreditna sredstva i interventnu bespovratnu pomoć.

II

Pravo učestvovanja u raspodjeli kreditnih sredstava ostvaruju pojedinci koji pripadaju boračkoj populaciji, kao i njihovi zakonski zastupnici prvog reda (roditelji, supruge i djeca), sa projektima usmjerenim na realizaciju ciljeva Statuta Fondacije za pružanje pomoći u rješavanju stambenih pitanja pripadnika boračkih populacija (u daljem tekstu: Fondacija).

Sredstva pomoći na kreditnoj osnovi mogu se odobriti za slijedeće namjene:

- a)** - izgradnju novih porodičnih stambenih objekata i stanova (nadziđivanje, nadogradnja postojećih stambenih jedinica, pretvaranje zajedničkih prostorija u stanove i sl.) u kojima će živjeti pripadnik boračke populacije,
 - kupovina stambenog objekta ili stana u kojem će živiti pripadnik boračke populacije.
- b)** - opravku i sanaciju porodičnog stambenog objekta u kome živi pripadnik boračke populacije,
 - opravku i sanaciju stambene jedinice u vlasništvu ili iznajmljenoj stambenoj jedinici u kojoj živi pripadnik boračke populacije.

III

Tražilac kredita je kreditno sposoban ukoliko jednom trećinom svog mjesečnog primanja ili solidarno sa sudužnikom može podmiriti mjesečni anuitet.

- a) Pomoć u vidu kredita za namjene iz tačke II pod a. može se dodijeliti u iznosu do 25.000,00 KM na maksimalni period otplate do 15. godina, uz godišnju kamatu od 1,99% i troškove bankarskih usluga.
- b) Pomoć u vidu kredita za namjene iz tačke II pod b. može se dodijeliti u iznosu do 15.000,00 KM na maksimalni period otplate do 10. godina uz godišnju kamatu od 2,99% i troškove bankarskih usluga.

Odobranje sredstava iz tačke I ovog poziva vršiti će se u skladu sa općim i posebnim kriterijima.

IV

Opći kriteriji za odobrenje sredstava za sufinansiranje projekta aplikantata su:

1. da je lice pripadnik boračke populacije;
2. da ima prebivalište na području Bosne i Hercegovine;
3. da nema riješeno stambeno pitanje ili je u aktivnostima na poboljšanja uslova stanovanja u već postojećoj stambenoj jedinici.

Lice sa neriješenim stambenim pitanjem smatra se:

- lice koja lično ili član uže porodice, nema stambenu jedinicu na području Bosne i Hercegovine;
- lice čija je stambena jedinica djelimično ili potpuno uništena;
- lice čija stambena jedinica ne ispunjava arhitektonsko-građevinske norme za normalo stanovanje i boravak članova porodice;
- lice koje je u aktivnostima poboljšanja uslova stanovanja u već postojećoj stambenoj jedinici.

Posebni kriteriji za odobrenje sredstava za sufinansiranje projekta aplikantata su:

	1. Stambena situacija	bodovi
a)	Lice/osoba sa privremenim rješenjem na stan ili lice u statusu podstanara	23
b)	Lice/osoba – koje živi u nedovršenom stambenom objektu, bez osnovnih uslova za stanovanje, nema struje, vode, krovne konstrukcije, sanitarnog čvora i sl.), ili u objektu neuslovnom za korišćenje kao posljedica više sile, dotrajalosti stambenog objekta i sl.	23
c)	Lice/osoba koje sa užom porodicom/obitelji živi kod svojih roditelja ili roditelja bračnog druga	10

Svakom podnosiocu zahtjeva (uključujući i njegove uže članove porodice/obitelji navedene u kućnoj listi) pripada po.....**3 boda**,

Ako podnosilac zahtjeva ispunjava uslove za rješavanje stambenog pitanja kao član porodice šehida–poginulog branitelja, za svakog od njih mu pripada po.....**3 boda**.

a. Učešće u Oružanim snagama Bosne i Hercegovine (OS)

- 1) za svaki mjesec učešća u OS (od 18.9.1991. do 23.12.1995. godine) **1 bod**,
- 2) za stupanje u OS do 20.VI. 1992. godine dodatnih**5 bodova**,
- 3) za stupanje u OS od 20.VI do 31.12.1992. godine dodatnih**1 bod**,
- 4) za lica/osobe koja su kao maloljetna stupila u OS dodatnih**10 bodova**.

Zastupnicima prvog reda prilikom bodovanja pripadnika demobilisanih boraca ne pripadaju bodovi pod tačkom 2) i 3).

Vrijeme provedeno u OS preko 15 dana u jednom mjesecu računa se kao puni mjesec.

Bodovi iz alineje 2. i 3. prethodnog stava uzimaju se u obzir i kod bodovanja porodica šehida i poginulih branitelja i ratnih vojnih invalida.

Ratnom vojnom invalidu koji je demobilisan rješenjem nadležnog vojnog organa zbog ranjavanja, odnosno povrede po osnovu koje je ostvario status ratnog vojnog invalida za utvrđivanje bodova po osnovu učešća u OS uzimat će se vrijeme od stupanja u OS do 23.12.1995. godine, bez obzira kada je demobilisan.

Za članove porodice šehida i poginulog branitelja, utvrđivanje bodova po osnovu učešća u OS uzimat će se vrijeme do 23.12.1995. godine, bez obzira na vrijeme pogibije.

Članovima porodice šehida i poginulog branitelja iz prethodnog stava smatraju lica koja su korisnici ili su bili korisnici prava na porodičnu/obiteljsku invalidninu.

b. Po osnovu stepena invalidnosti:

Po osnovu stepena invalidnosti ratnim vojnim invalidima pripadaju slijedeći bodovi:

Rb.	Stepen invaliditeta RVI	Bodovi
1.	100% I grupa	15
2.	100% II grupa	12
3.	90% III grupa	10
4.	80% IV grupa	9
5.	70% V grupa	8
6.	60% VI grupa	7
7.	50% VII grupa	6
8.	40% VIII grupa	5
9.	30% IX grupa	4
10.	20% X grupa	3

c. Ratna priznanja/odličja

Dobitnicima ratnih priznanja u Armiji BiH i MUP-u i HVO-u, u skladu sa Zakonom o posebnim pravima dobitnika ratnih priznanja i odličja i članova njihovih porodica/obitelji pripadaju slijedeći bodovi:

I kategorija **8 bodova,**
II kategorija **5 bodova,**
III kategorija **3 boda.**

Bodovi po osnovu ratnih priznanja utiču na redoslijed rangiranja pripadnika boračke/braniteljske populacije koje potiču iz vojnih formacija koje su ta priznanja ustanovile i dodjeljivale.

d. Povratnik u entitet Republika Srpska Bosne i Hercegovine

Povratnicima u entitet Republika Srpska Bosne i Hercegovine dodatnih..... **5 bodova.**
Povratnicima u Distrikt Brčko Bosne i Hercegovine dodatnih.....**5 bodova.**

e. Materijalna situacija porodičnog domaćinstva podnosioca zahtjeva:

1. Ukupna primanja domaćinstva preko dvije utvrđene najniže plaće u kalendarskoj godini u Federaciji Bosne i Hercegovine..... **0 bodova,**
2. Ukupna primanja domaćinstva od jedne i do dvije najniže plaće..... **5 bodova,**
3. Ukupna primanja domaćinstva od jedne do jedne i po najniže plaće..... **10 bodova,**
4. Ukupna primanja domaćinstva do visine jedne najniže plaće..... **20 bodova.**

f. Hronološki red podnijeti ispravnih bodovanih zahtjeva – za svaku godinu čekanja
.....**10.bodova**

g. Da se pripadnicima porodica braniteljskih populacija, djeci sa posebnim potrebama uz garanciju staratelja ili sudužnika omogući konkurisanje za povoljna kreditna sredstva. Prilikom bodovanja uz dokaz Rješenje od nadležne službe.....**5 bodova**

h. Eventualno potrebna druga dodatna dokumentacija.

V

Prilikom apliciranja na Javni poziv potrebno je dostaviti slijedeću osnovnu dokumentaciju u zavisnosti od statusa aplikanta:

- a) Adekvatno popunjen aplikacioni formular (zahtjev za odobravanje kredita, saglasnost za obradu ličnih podataka i izjava - koji su sastavni dio aplikacionog formulara);
- b) Uvjerenje o pripadnosti Oružanim snagama izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova za period 08.04.1992. do 23.12.1995.godine;
- c) Uvjerenje nadležne Službe za boračko-invalidsku zaštitu o priznavanju svojstva RVI/HVIDR-a;
- d) Uvjerenje nadležne Službe za boračko-invalidsku zaštitu o priznavanju svojstva člana šehidske porodice/obitelj poginulog branitelja;
- e) Uvjerenje da je nosilac ratnih priznanja, izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova;
- f) Rješenje od nadležne službe za dijete sa posebnim potrebama;
- g) Dokaz o ukupnim primanjima podnosioca zahtjeva i članova navedenih u kućnoj listi (potvrda primanja od poslodavca, ček od penzije, primanja po osnovu BIZ-a i uvjerenje o nezaposlenosti ako nije u radnom odnosu);
- h) Dokaz o ukupnim primanjima sudužnika ukoliko je potreban;
- i) Uvjerenje o prebivalištu (CIPS-ova prijava prebivališta za podnosioca zahtjeva);
- j) Kućna lista;
- k) Eventualno potrebna druga dokumentacija na zahtjev Fondacije/Komisije.

Napomena: Podnosioci zahtjeva koji su 2025. godine imali potpunu dokumentaciju, podnose adekvatno popunjen aplikacioni formular i ovjerenu izjavu (C) kao i saglasnost za obradu ličnih podataka, od nadležnog organa da ostaju pri svom ranijem zahtjevu i da se stambena situacija u međuvremenu nije promijenila, dokaz o ukupnim primanjima podnosioca zahtjeva i članova navedenih u kućnoj listi te ostale dokaze koji se boduju i mogu povećati broj bodova podnosioca zahtjeva.

Podnositelj zahtjeva je dužan dostaviti navedenu dokumentaciju, priložiti original ili kod nadležnog općinskog organa ovjeren prepis dokumenata ne stariji od šest mjeseci.

VI

Uzimajući u obzir svu dostavljenu dokumentaciju, Stručna služba Fondacija najprije cijeni administrativnu usklađenost prijave, tako što vrši pregled prijave i provjeru da li dostavljena dokumentacija koja je Javnim pozivom tražena. Nakon što utvrdi kompletnost prijave, prelazi na primjenu kriterija iz tačke IV i V ovog poziva te boduje i vrednuje prijavu ponaosob. Nakon toga predlaže Upravnom odboru Fondacije iznos kreditnih sredstava za sufinansiranje projekta. Prijedlog Stručne službe Fondacije se upućuje na razmatranje Upravnom odboru, koji o tome donosi odluku.

Nezadovoljni kandidati mogu istaći svoj prigovor Upravnom odboru na Preliminarnu bodovnu rang listu u roku od 15 dana od dana prijema obavijesti koja će biti objavljena na Web stranici Fondacije i oglasnoj ploči da im sredstva nisu odobrena, a prigovor mora biti obrazložen i utemeljen na dokazima. Nakon odlučivanja po prigovorima Upravni odbor Fondacije donosi odluku o utvrđivanju konačne bodovne rang liste za pojedine namjene prema pripadnosti boračkim populacija.

Pojedinačne Odluke o dodjeli kreditnih sredstava se donose u skladu sa raspoloživim sredstvima Finansijskog plana tekuće godine i Fondacija će ih dostaviti aplikantima na kućnu adresu.

VII

Subjekti kojima su odobrena sredstva po ovom pozivu dužna su sredstva utrošiti u skladu sa navedenim u tački II.

VIII

Prijave na Javni poziv sa potrebnim odgovarajućim dokumentima navedenom u tački V. dostavljaju se isključivo poštom preporučeno, na adresu: **Fondacija za pružanje pomoći u rješavanju stambenih pitanja pripadnika boračkih populacija, ulica Ismeta Mujezinovića br. 18, 71000 Sarajevo.**

Javni poziv ostaje otvoren 30 (trideset) dana od dana objavljivanja. Ukoliko u datom roku ne zaprimi dovoljan broj zahtjeva, Fondacija zadržava pravo da zaprima aplikacije sve dok ima raspoloživih novčanih sredstava za ove namjene.

Prijave na javni poziv podnose se na jedinstvenom obrascu/aplikacioni formular. Isti se može dobiti u prostorijama Fondacije, udruženjima, udrugama koje okupljaju boračku populaciju i na web stranici Fondacije www.fbp.ba

Ukoliko podnosilac prijave na Javni poziv ne dostavi naprijed navedenu dokumentaciju u zadatom roku ta prijava se odbacuje kao nepotpuna.

Bliže informacije mogu se dobiti neposredno u Fondaciji ili na telefon 033/558-900,

Broj: 04-11-74/26
Sarajevo, 05.03.2026. godine

P r e d s j e d n i k
Upravnog Odbora

Safet Sijerčić